

# Primera carta de San Juan

---

**Jane mejejutı Dios oca goti rētobürocu ĩ ñacāre gaye**

**1** <sup>1</sup>Ñati yu ñarā mua. Muare papera cōa yu. Macārucūro iti rujearoto riojuaju, Dios oca goti rētobürocu ñacāyiju. Guamasiti ĩre ticōri, ĩre tuocōri, ĩre moaīacōri muare gotia yu. Īti ñami mani catitīñaroca yi masigū. <sup>2</sup>Dios oca goti rētobürocu ĩ goaroca ticu gna. Īti ñami Jesucristo catitīñare rucogu. Ito bajiri gna tigare muare gotia yu. Guare goaīocacuti, mani Jacu Dios rāca ñayiju. ĩre gna tiroca yiñi Dios. Ī gayere muare busia yu. <sup>3</sup>Gna tigare muare gotia yu. Gna tuogore cuni muare gotia yu. Gna rāca sīgū robo bajiroti mua usi cutitoni muare gotia yu. Dios ĩ usi cutiro bajiroti usi cutia gna. Ī Macu Jesucristo rāca cuni ito bajiroti usi cutia gna. Dios ĩ usi cutiro bajiroti mua usi cutitoni muare gotia yu. Ito yicōri ĩ Macu rāca mua usi cutitoni muare gotia yu. <sup>4</sup>Adi muare gotia yu sīgū robo bajiro mani wanu quenatoni.

**Busurise rucogu ñami Dios, yire gaye**

<sup>5</sup>Busurise rucogu ñami Dios. Rāitīrise ma ĩre. Ito bajiroti gotiqui Jesús guare. Ito bajiri iti tuocōri muare gotia yu. <sup>6</sup>“Dios ĩ usi cutiro bajiroti usi cutia yu”, mani yibojaja cuni, ito yicōri ñeñaro mani yirise jidicābeja, manimasiti ruoa mani. Ito yicōri riojo gotire gaye cuni cūdirā meje ña mani. <sup>7</sup>Dios ĩ queno yi ñaro bajiro mani yi ñaja, sīgū robo bajiro usi cutirā yirāji mani. Ito yicōri ĩ Macu Jesucristo ya rīnati mani ñeñaro yirise coe jeoroja.

<sup>8</sup>“Ñeñaro yirise ma yure”, mani yibojaja, manimasiti ruoa mani. Ito bajiri riojo gotirā meje ña mani. <sup>9</sup>Yiro robo yigu ñami Dios. Ito bajiri ĩre mani gotija, ñeñaro mani yirise coe jeogu yiguji. Ito yicōri mani ñeñaro yirisere ācabojogu yiguji Dios. <sup>10</sup>“Ñeñaro yigu meje ña yuama”, mani yibojaja cuni, “Ruore jaigu ñami Dios”, yiado bajiro ya mani. Ito bajiro mani yija, Dios oca mani ya usiju manoja manire.

### Manire busi ejabuagu ñami Cristo, yire gaye

**2** <sup>1</sup>Yũ rîa robo bajiro bajirã ña mua. Ito bajiri ñeñarise mua yibe yirocũ, adi muare gotia yũ. Mani ñeñarise yijama, sîgũ ñami Diore manire busi isigũ. Ì ñami Jesucristo, ñeñarise yitabicũ. Ito bajiri Diore busigu yiguĩji manire yari. <sup>2</sup>Jesús ya rîna suoriti, mani ñeñaro yirise waja yicãre ña. Mani ye riti meje waja yicãni. Masa jeyaro ye cuni waja yicãni Jesús.

<sup>3</sup>Dios rotirise yiro robo mani cudija, “Ìre masia yũ”, yi tuoia masia mani. <sup>4</sup>No, “Jesure masia yũ”, yibojaguti, ì rotirise yiro robo cudibicũ, socagu ñami iocũ. Ito bajiri riojo gotigu meje ñami iocũ. <sup>5</sup>No Dios rotirise riojo cudigu, ìre buto tuoïaguĩji. Diore riojo mani cudija, “Ìre bajiroti usi cutia yũ cuni”, yi tuoia masirãji mani. <sup>6</sup>“Dios robo bajiro usi cutia yũ”, yigu Jesucristo ì ñado bajiro ñaja quena.

### Mame rotire gaye

<sup>7</sup>Yũ mairã, adi papera muare cõa yũ. Mame oca meje muare gotia yũ. Jane mejeju masa rãca ñasore ña adi oca. Mua tuogeti ña adi oca. <sup>8</sup>Ito bajibojarocati, oca mame robo bajiro eja muare. Rãitjarise rëta wado bajiro mua masibitigore rëta waju. Ito bajiri oca ñasarise masia mua ìja. Iti ocare cudiñi Jesucristo. Ito yicõri mua cuni iti ocare cudia.

<sup>9</sup>Sîgũ, “Busuroju ña yũ”, yibojaguti, ì ocabajire ti tudigu, rãitjarojuti ñacõguĩji maji. <sup>10</sup>Ì ocabajire buto ti maigũama, busuroju ñaguĩji iocũ. Ito bajiro busuroju ñagũ ñeñarise yi uyabiquĩji. <sup>11</sup>Ì ocabajire ti tudigu rãitjarojũ wa ucuguĩji. Ì waroto masibiquĩji ì. “Itiju waju”, yi masia manoti wa ucuguĩji ì. Rãitjaro ì ya cajea ruyubejare, cajea macũ robo bajiro bajiguĩji ì.

<sup>12</sup>Yũ rîa robo bajirã mua ñajare iti muare gotia yũ. Jesucristo ya rîna suoriti ñeñaro mani yirisere coeñi Dios. <sup>13</sup>Tuoia bucũrã mua. Adi papera muare menia yũ. Macãrucũro rujearoto riojuaju ñasore masirã ña mua. Mua mamarãre cuni adi papera cõa yũ. Rũmũre cudigoana ñabojarãti ì robo bajiro tuoïabea mua ìja.

<sup>14</sup>Tuoia rîaca mua. Muare cuni adi papera coa yũ. Mani Jacũ Diore masirã ña mua cuni. Mua bucũrãre adi papera cõa yũ. Macãrucũro rujearoto riojuaju ñasore mua masijare muare papera cõa yũ. Mua mamarãre cuni papera cõa yũ oca seorã mua ñajare. Dios ocare cudirã ña mua. Ito bajiri rũmũ robo bajiro meje tuoia mua ìja.

<sup>15</sup>Adi macãrucũrore maibesa mua. Ito yicõri adi macãrucũro ñarisere cuni maibesa mua. Macãrucũro ñarisere buto maigũ, mani Jacũre maibiquĩji. <sup>16</sup>Mani ya rujuna mani ñeñaro yi ãmorise, Dios gaye wadire meje ña iti. Adi sita gaye ña iti. Mani ya cajeana ti wanõcõri ñeñaro yi ãmorise, adi sita gayeti ña. Mani gajeoni cutirise sõ bajiro mani yirise, Dios ye wadire meje ña iti. Adi ñeñaro yire jeyaro adi sita gayeti ña. <sup>17</sup>Ado mani ñari sita jedi waju. Adi macãrucũro ñeñarise cuni jedi waju. Dios ì ãmoro bajiro yiguama catitũnagũ yiguĩji.

### Oca riojo gotire meje ña socare, yire gaye

<sup>18</sup> Tɔoya yu rĩa mua. Jabeto rɔya adi macārūcūro iti jediroto. Cristo wajacu ī wadire gaye tɔoyija mua. Ito bajiri ado bajiro muare gotia yu. Gājerā Cristo wajana jājarā ejacoama ado ĩja. Ito bajiri, “Sōmejeti ña susari rɔmɔ iti ejaroto”, yi tɔo masia mani. <sup>19</sup> Mani rāca ñabojarāti mani robo bajiro ũsi cutibiticā ĩna. Ito bajiri manire wagočā ĩna. Mani robo bajiroti ĩna ũsi cutijama manire budigobitibocā ĩna. ĩna budigojare, “Mani robo bajiro ũsi cutirā meje ñañi ĩna”, yi tɔo masia mani.

<sup>20</sup> Espiritu Santo sāni Cristo muare. Ito bajiro ī yijare ñasarise ti masia mua. <sup>21</sup> Ñasarise masirā mua ñajare, papera cōa yu muare. Ñasarise masimena meje mua ñajare muare papera cōa yu. Oca riojo gotire gaye meje ña socare gaye. Itire masia mua.

<sup>22</sup> ¿Ñimɔ ñati, socari masu? Ado bajiro gotiami socari masu: “Cristo meje ñami Jesús”, yigɔ, ī ñami socagɔ. ĩña ñami Cristo wajacu. “Mani Jacu meje ñami Dios”, yigɔ ñami ī. Ito yicōri, “Dios Macu meje ñami Cristo”, yigɔ ñami ī. ĩocū ñami socari masu. <sup>23</sup> “Cristo meje ñami Jesús”, yigɔ Diore masigū meje ñami ī. “Jesús ñami Cristo”, yiguama Diore masigū ñami ĩocū.

<sup>24</sup> Cajero oca mua tɔogore queno tɔoĩama. Itire ācabojabeba. Iti oca mua tɔogore queno mua tɔoĩatĩñaja, Jesús rāca, Dios rāca cūni ĩna robo bajiroti ũsi cutirā yirāji mua. <sup>25</sup> Jesucristo goticāni manire, catitĩñare gaye ĩsirocɔ.

<sup>26</sup> Coriarā muare rɔo āmoama. Ito bajiri muare adi papera cōa yu. <sup>27</sup> Espiritu Santo sāni Jesús manire. Ito bajiri manire riasori masu ñatĩñami. Dise rɔyabeto manire riasogɔ yiguĩji Espiritu Santo. ĩ riasorise riti ña. Socare gaye meje ña. ĩ riasoro bajiroti yiya mua cūni. Jesús robo bajiroti ũsi cutiya mua cūni.

<sup>28</sup> Queno tɔoya, yu rĩa robo bajirā mua. Jesús ī ũsi cutiro bajiroti ũsi cuti ñaña mua cūni. Ito bajiro mua ũsi cuti ñaja, Jesús ī tɔdi ejari rɔmɔ güire manoja muare. Ito bajiri ĩ ejaroca bojore mano yiroja muare. <sup>29</sup> “Ñeñarise yigɔ meje ñami Jesús”, yi masirāji mua. Ito bajiri, “Queno yirāma Dios rĩa ñama”, yi masirɔja muare.

### Dios rĩa ñare gaye

**3** <sup>1</sup> Tɔoya mua. Mani Jacu Dios bɔto maiami manire. Ito bajiri, “yu rĩa”, yami manire. Riti ī rĩa ña mani. Adi macārūcūro gānama Diore ti masimenaji. Ito bajiri manire cūni ti masimenaji ĩna. <sup>2</sup> Tɔoya yu mairā mua. Dios rĩa ña mani. Mani riojɔ, “Ado bajiro ñarā yirāji”, yi masibeama mani. Ito bajibojarocati Jesús ĩ goaĩoroca ĩ robo bajiro bajirā yirāji mani. ĩre ti masicōri ĩ robo bajiro bajirā yirāji mani. <sup>3</sup> “ĩre tigɔ yigɔja yu”, mani yi tɔoĩa yuja, ñeñarise yimenaji mani ĩja. Jesús robo bajiroti ñeñarise yimenaji mani cūni.

<sup>4</sup> Ñeñarise riti yitĩñagū, Dios rotirise cɔdigɔ meje ñami. Dios rotirise mani cɔdibeja, iti ña ñeñaro yire. <sup>5</sup> “Jesucristo ñeñarise yigɔ meje ñami”, yi tɔo masirāji mua. Jesucristo adi macārūcūro wadiñi mani ñeñaro yirise waja yirocɔ. Itire masia mua. <sup>6</sup> No Jesús robo ũsi cutigɔti, ñeñarise

yi uyabiquíji. Ñeñarise riti yitĩñagũ, Jesure tĩagũ meje ñami maji. Ito yicõri Jesure masibicu ñami maji. <sup>7</sup>Mũare tũoronare tũobesa yũ rĩa mũa. Ñeñarise yibicu, ĩ cuni Jesús robo bajiroti quenagũ ñami. <sup>8</sup>Ñeñarise riti yiguama rũmũ yagu ñami. Cajerojuti ñeñarise yigu ñaĩni rũmũ. Ito bajiro bajisuoru ñami ĩ. Rũmũ ĩ ñeñaro yirisere cõarocu wadiĩni Dios Macu.

<sup>9</sup>Dios rĩa ñarã ñeñarise yi uyamenaji. Dios gaye tũoĩare ña ĩnare. Mũcana tũdi rujea quenoana ñama ĩna. Ito bajiri adocãta Dios rĩa ñama ĩna. Ito bajiri ñeñarise yi uyamenaji ĩna. <sup>10</sup>¿No bajiro ti masirãjida mani, Dios rĩa ĩna ñaja? Ito yicõri, ¿no bajiro ti masirãjida mani, rũmũ rĩa ĩna ñaja? Ado bajiro ti masirãji mani. Ñeñarise yitĩñagũ, ito yicõri ĩ ocabajire ti maibicu, Dios yagu meje ñami ĩocũ. Rũmũ yagu ñami ĩ.

### Corocõti gãmeri maija quena, yire gaye

<sup>11</sup>Mani ya rujũre mani mairo robo bajiroti gãjerãre cuni maija quena. Adi ña Dios oca cajero ĩre masisuorã mũa tũore gaye. <sup>12</sup>Caĩn ñayoru robo bajiro yibesa mũa. Rũmũre cudigu ĩ ocabajire siayijũ Caĩn ñayoru. ĩ ocabaji quenarise tũoĩagũ ñayijũ. Caĩnjuama ñeñarise riti tũoĩagũ ñayijũ. Ito bajiri ĩ ocabajire siayijũ ĩ.

<sup>13</sup>Tũoya yũ ñarã mũa. Adi macãrucũro gãna mũare ĩna ti tudija, “Abo, ¿no yija yũre ti tudiatibe ĩna?” yi tũoĩabeja. <sup>14</sup>Mani godabore gaye r̃etocũĩni Dios. Ito bajiri catitĩñare gaye manire ĩsiĩni ĩ. Mani ñarãre mani ti maija, “Ito bajiroti baja”, yi masirãji mani. ĩ ocabajire ti maibicu godacãru bajiro bajiguĩji. Jeame ãjũroju wacu yiguĩji ĩocũ. <sup>15</sup>ĩ ocabajire ti tudigu siari masuti ñami Dios ĩ tija. Siari masu catitĩñare rucobiquĩji. Itire masirã ña mũa cuni. <sup>16</sup>Cristo manire goda ĩsiĩni. Ito bajiri, “Manire bũto maiami Cristo”, yi masirã ña mani ĩja. Mani ñarãre ti mairũja manire, ĩnare mani goda ĩsiroti ñabojarocati. <sup>17</sup>Gajeoni jaigu ĩ ñarã bojoro bũjarãre ejabuabicu ñabojaguti “Diore maia yũ”, yibojagu yiguĩji ĩocũ. <sup>18</sup>Yũ rĩa, gãjerãre cuni ti mairũja manire. “Gãjerãre ti maia yũ”, yicõri ĩnare cuni ejabuarũjarãji mani.

### Cristore mani tũorũnũja Dios ĩ tiro riojo gãimenaji mani, yire gaye

<sup>19</sup>Mani gãjerãre ti maija, “Cristo, riojo gotigu, ocabaji ña yũ”, yi tũoĩarãji mani. Ito bajiri Dios ĩ tiro riojo mani ya usi tũoĩa usirio yimenaji mani. <sup>20</sup>Mani ya usijũ mani tũoĩa usirioja, mani ñeñaro yirisere tũoĩarã yirãji mani. Ito bajiro mani tũoĩaja Dios manire tũo masi ñaguĩji. Mani tũoĩarise ñarocõti ti masiami Dios. <sup>21</sup>Yũ mairã, tũoya mũa. Mani ya usi iti tũoĩa usiriobeja, gãire ma manire Dios ĩ tiro riojo. <sup>22</sup>Dios yiro robo mani cudija, mani seniro bajiroti ĩsiguĩji. <sup>23</sup>Ado bajiro manire rotĩni Dios, “Yũ Macu Jesucristore rucubũoya mũa. Ito yicõri masa ñarocõreti ti maiña mũa”, yĩni Dios. Adi ña ĩ rotire ñasarise. <sup>24</sup>Dios rotirise yiro robo cudirã ĩre bajiroti usi cutirãji ĩna. ĩna ya usijũ ñaguĩji Dios. “Mani ya usijũ ñaguĩji Dios”, yi tũo masia mani. Ito bajiro mani tũoĩa masiroca yami Espĩritu Santo manire.

**Dios ya ʌsi, ʌsi cutimena Cristo wajana ñama ña, yire gaye**

**4** <sup>1</sup>Tʰoʷa yʌ mairā mʌa. “Diore yiari busia yʌ”, yirā ña ñabojarocati queno ñnare tʷo sʷyamenaji mani. Socari masa jājarā ñarāji adi sitajʌre. “Diore busirā ña gʷa”, yibojama ña. Dios rīa ña ñajama, queno rʷore oca mano gotirā yirāji ña. Ito bajiri queno tʷo masiña mʌa. <sup>2</sup>“Adi sitajʌ wadicōri masʌ rʷjʌna rujeañi Jesucristo”, yi gotigʷreama Dios ya ʌsi ñaroja ñre. Ito bajiro ñ yijare, “Dios oca busi ñsigū ñami”, yi masirāji mʌa. <sup>3</sup>“Jesucristo masʌ rʷjʌna meje rujeañi”, yirāreama Dios ya ʌsi manoja ñaōnare. ña ñarāji Cristo wajana. “Cristo wajana wadirā yirāji”, yire gaye tʷoyija mʌa. Ito bajiri mʷare gotia yʌ, adi macārʷcʷrojʌ ñacāma ña ña.

<sup>4</sup>Tʰoʷa yʌ rīa mʌa. Dios ñarā ña mʌa. Mʌa ya ʌsijʌ ñami Dios. ñ ñami sēo busagʷ. Adi macārʷcʷro gāna Jesucristore tudirā ña ya ʌsijʌ rʷmá ñaguiji ñnare. Rʷmá rētoro sēogū ñami Dios. Ito bajiri Dios ya ʌsi mʌa ya ʌsijʌ iti sāñajare, Cristo wajanare rētocūrā yirāji mʌa. <sup>5</sup>Cristo wajana adi macārʷcʷro gaye riti tʷoīarāji ña. Ito bajiri adi macārʷcʷro gaye riti busirāji ña. Masa adi macārʷcʷro gāna ñnare tʷorʷnʷrā yirāji. <sup>6</sup>Dios ñarā ña maniam. Ito bajiri Diore masigū manire tʷogʷ yiguiji. Dios rīa meje ñarāma manire tʷomena yirāji. Dios oca riasogʷ, rʷore oca riasogʷre cʷni ito bajiro ti masirā yirāji mani.

**Dios ñami masare ti maigū, yire gaye**

<sup>7</sup>Tʰoʷa yʌ mairā mʌa. Mani ya rʷjʌre mani mairo robo bajiro ti gājerāre cʷni maija quena. Masare mani ti mairise mani Jacʷ Diona sʷoriti wadire ña iti. Gājerāre ti maigū mʷcana tʷdi mame rʷjearʷ ñami, ito yicōri Dios macʷ ñami ñ. Diore masigū ñami ñocū. <sup>8</sup>Masare maigū ñami Dios. Gājerāre maimena Dios rīa meje ñama ñaōna. Ito bajiri Diore cʷni mairā meje ñama ñaōna. <sup>9</sup>Dios ñ Macʷ sigū ñagʷre cōañi adi sitajʌ catitʷñare gaye mani boca āmitoni. Ito bajiro yicōri ñ mairise ñoñi Dios manire. <sup>10</sup>Queno maiami Dios manire. Manijʷa ñ robo bajiro ñre queno maibeja mani. Diore mani maibitibojarocati, ñjʷama manire maiami Dios. Ito bajiri ñ Macʷre cōañi Dios ñ ya rīna mani ñeñaro yirisere waja yi ñsiti.

<sup>11</sup>Yʌ mairā, Dios bʷto maiñi manire. Ito bajiri gājerāre cʷni mairʷja manire. <sup>12</sup>Nijʷa Diore tigʷ maquīji. Gājerāre mani ti maija, Dios robo bajiro ti ʌsi cutia mani. Ito yicōri manire ñ mairo bajiro ti gājerāre maia mani cʷni. <sup>13</sup>Ñ ya ʌsi sāñi Dios manire. Ito bajiri mani ya ʌsijʌ Dios ya ʌsi ñaja, “Dios ñ ʌsi cutiro bajiro ti ʌsi cutia yʌ”, yi tʷoīarā ña mani ña. <sup>14</sup>Gʷa tigore mʷare gotia yʌ. Adi sita gāna masare ñ masotoni ñ Macʷ Cristore cōañi Dios mani Jacʷ. Cristore gʷa tigoja bero ito bajiro mʷare gotia yʌ. <sup>15</sup>“Jesucristo Dios Macʷ ñami”, yigʷ Dios robo bajiro ʌsi cutigʷ ñami ñ.

<sup>16</sup>Ito bajiro ti, “Dios manire maisacōami”, yi masia mani cʷni. Masare maire gaye ña Diore. Ito bajiri no masare ti maigūti, Dios ʌsi robo bajiro ti ʌsi cutiguiji ñ cʷni. <sup>17</sup>Cristo robo bajiro ti mani ʌsi cutija gājerāre ti mairā yirāji mani. Manire ñ ti mairo bajiro ti ñre cʷni ti mairāji mani. Ito bajiri ñeñaro yirise Dios

ĩ waja seniri rúmure mani ya usijũ nũrũobetoja manire. <sup>18</sup>Ñeñaro yirise Dios ĩ waja seniri rúmure güügũ, “Masare maigũ ñami Dios”, yi masigũ meje ñami. “Masare maigũ ñami Dios”, mani yi tũoĩaja, güire ma manire. Mani güijama, “Ñeñaro yirise waja senigũ yigũĩji Dios yũre”, yi tũoĩarãji mani.

<sup>19</sup>Manire cajero maisũoĩni Dios. Ito bajiri ĩre maia mani cũni. <sup>20</sup>No, “Diore buto maia yũ”, yibojaguti, ĩ ocabajire ti tudigũ socari masũ ñami ĩocũ. ĩ ocabajire tirũre maibicũ, Dios tiya macũre cũni maibiquĩji. <sup>21</sup>Diore maigũ ĩ ocabajire cũni maija quena. Ito bajiro rotiĩni Dios manire.

### Ñeñarisere mani rētocũbitire gaye


**5** <sup>1</sup>“Dios cõaru ñami Jesús”, yiguti Dios yagũ ñami ĩocũ. Jacũ rãcati rĩare mairãji mani ĩja. “Mani Jacũ Diore maia yũ”, mani yija, gãjerã Dios rĩare cũni maija quena. <sup>2</sup>Diore mani maija ito yicõri Dios rotirise mani yiro robo cũdija gãjerã Dios rĩare cũni mairãji mani. <sup>3</sup>Diore mani maija ĩ rotirise yiro bajiroti cũdirã yirãji mani. Dios rotirise josari meje ñaroja. <sup>4</sup>Ito bajiri Dios rĩa adi macãrucũro gaye ñeñarisere yi rētocũmenaji ĩna. Jesure tũorũnũcõri adi macãrucũro gaye ñeñarisere yi rētocũbea mani. <sup>5</sup>¿Ñimũjũa adi macãrucũro gaye ñeñaro yirisere rētocũbiquĩjida? “Jesús ñami Dios Macũ”, yi masigũ, ĩti ñami adi macãrucũro gaye ñeñarisere rētocũbicũ.

### Ñniti ñami yũ Macũ, Dios ĩ yire gaye

<sup>6-8</sup>Dios Macũti ñami Jesucristo. Tite. Jesure idé guroca ũmacũjũ oca ruyuyijũ. “Ñniti ñami yũ Macũ”, yiyijũ. Jesús yucũtẽojũ ĩ rĩ budi yosaroca, “Ñniti ñami yũ Macũ”, yire oca ruyuyijũ ũmacũjũ. Riojo gotigũ ñami Espĩritu Santo. ĩ cũni, “Cristo Dios Macũ ñami”, yi gotiami manire. Ũdiaji oca tũocõri, “Jesucristo Dios Macũ ñami”, yi tũo masia mani. Ũdiaji oca busirise corocõti gotia iti. Jesure idé guri rũmũ oca ruyure, ito yicõri Jesús ĩ yucũtẽojũ ĩ rĩ budi yosaroca oca ruyure, ito yicõri Espĩritu Santo ĩ gotirise cũni corocõti busia iti. Ito bajiri mani cũni, “Dios Macũ ñami Jesús”, yi masirãji mani ĩja. <sup>9</sup>Masa ĩna yirise mani tũoja, Dios ĩ yirise rēto busaro tũorãji mani. Masa ĩna gotirise rēto busaro ñasarise ña Dios ĩ gotirise. Masa ĩna busire rētoro waja cutia Dios oca. Dios imasiti ado bajiro gotiĩni: “Yũ Macũ ñami ĩ”, yiĩni. <sup>10</sup>“Jesús Dios Macũ ñami”, yi masigũ, ito bajiroti gotia ĩ ya usi ĩre. “Jesucristo Dios Macũ meje ñami”, yigũ ito yicõri Dios gotirisere tũobicũ, “Dios socagũ ñami”, yiado bajiro baja. <sup>11</sup>Adi ña Dios ĩ gotire: “Mũare catitĩñare ĩsia yũ. Adi catitĩñare yũ Macũna sũoriti boca ãmirã yirãji mũa. <sup>12</sup>Ito yija no Jesure boca ãmigũti catitĩñare rũcogũ yigũĩji. No Jesure tũobicũti catitĩñare rũcobicũ yigũĩji”, yiĩni Dios.

### San Juan ĩ goti quenosũsare gaye

<sup>13</sup>Dios Macũre rũcũbũorã mũa ñajare adi papera cõa yũ mũare. “Catitĩñare rũcoa yũ”, mũa yi masitoni adi papera mũare cõa yũ.



(1 Juan 5.21)

<sup>14</sup>Dios ï ãmoro bajiro mani senija, manire tʉogʉ yiguĩji ï. Ito bajiri Diore senicõri, “Yũre ïsigũ yiguĩji”, yi tʉoĩa masia mani. <sup>15</sup>“Manire tʉogʉ yiguĩji Dios”, yi tʉoĩa masia mani. Ito bajiri mani ïre senija, “Yiro robo cʉdigʉ yiguĩji Dios”, yi tʉoĩa mani.

<sup>16</sup>Sĩgũ Cristore tʉorũnũgũ ñabojagʉti ñeñarise ï yija ticõri, Diore seni ïsija quena ïre. Ito bajiro mũa seni ïsija tʉocõri, ï ñeñaro yirisere ãcabojogʉ yiguĩji Dios. Ito bajiri ïre ruyurio ãmobjagʉti ïre masogũ yiguĩji Dios ïja. Gaje ñeñarise ñaroja mani godaroca yirise. Iti gaye ï yijama, “Ëre yari Diore busi ïsiña”, yibea yũ. <sup>17</sup>Dise ruyabeto ñeñarise, Dios ï tiro riojo quenabiti ña. Ito bajibojarocati jeyaro ñeñarise mani godaroca yirise meje ñaroja.

<sup>18</sup>“No Dios yagʉ ñagũ, ñeñarisere yi uyabiquĩji”, yi masia mani. Manire codegʉ yiguĩji Dios Macũ. Ito bajiri ïre mani tʉorũnũja, usirioro manire yi code masibiquĩji rũmũa uju.

<sup>19</sup>“Dios yagʉ ña yũ”, yi tʉoĩa mani. Gãjerãma adi sita gãna rũmũ ñarã ñarãji ïna. ï ñaguĩji ïnare rotigʉ.

<sup>20</sup>Dios ñasagʉre mani masitoni wadiñi ï Macũ. Dios Macũ Jesucristo robo bajiroti usi cʉtia mani. Riti ñasarise mũare gotia yũ. ï Jesuti ñami Dios ñasagʉ. Ito yicõri catitĩñare rʉcogʉ ñami ï. <sup>21</sup>Yũ rĩa queno yiya mũa. Dios robo bajirise, masa ïna menigore rʉcũbũobeja mũa. Diore mani rʉcũbũoro bajiro disejua gaje bũto mani rʉcũbũorise manojã. Itocõ ña.